

## per persunas d'instrucziun, mainasculas e cussagls da scoula



Nr. 2 2022/23

### Part generela

#### Rapport evaluaziun SSI

Daspö mited gün 2022 es il rapport da l'evaluaziun da la scoula speciela integrativa (SSI) accessibel pel public. A vela la paina da sföglia il rapport. Las cugnuschentschas dal rapport dessan sustgnair a las persunas invovedas per svilup-per inavaunt la qualited da l'ISS.

[SSI in Grischun es etablida bain](#)



#### Infos in cas d'interrupziuns da la rait

Pervi da la crisa d'energia actuela nu paun gnir exclusas neir in Grischun interrupziuns da la rait a cuorta vista eir be per singulas uras düraunt l'inviern. Causa quista situaziun metta l'USS/AVS a disposiziun sülla pagina d'internet las infurmaziuns las pü importantas in regard a la gestiun da scoula. L'uffizi arcumanda als purteders da scoula d'invier imsüras correspondentas in cas cha la rait vess da gnir interruotta.

[Infurmaziuns in cas d'interrupziuns da la rait](#)



#### La luna nel baule

Ill'eted dad 80 ans decida Jolanda Giovanoli da Stampa da confider l'istorgia da sia vita a Daniele Dell'Agnola. L'istorgia "La luna nel baule" (La glüna i'l arcun) as demuossa scu punt traunter il passo e l'avegnir e descriva la vita da quatter generaziuns d'üna famiglia da la Bergiaglia. Grazcha a l'agüd da Chasper Pult ed Anna-Alice Dazzi Gross es il text gnieu tradüt in tudas-ch ed in rumauntsch. Per l'adöver ill'instrucziun sun avaunt maun in tuot och sequenzas cun differents temas, üna part per taliaun scu prüma lingua ed üna part per taliaun scu lingua estra. Grazcha a la collavuraziun culla Scoul'ota da pedagogia dal Grischun

paun ils dossiers gnir telechargios in fuorma digitela.

[Cuors tematics](#)



[Ulteriuras infurmaziuns, postaziun da cudeschs](#)



#### Fügia e migraziun ill'instrucziun

Fügitivs e migraziun haun üna pruna fatschettas. La stauza da scoula es ün lö important per refletter ed elavurer il tema integraziun. La nouva pagina d'internet migrationsgeschichte.ch da las scoulas otas da pedagogia dals chantuns Turich e Grischun spordscha cugnuschentschas da basa fundedas ed actuelas. Pünavaunt spordscha quella per persunas d'instrucziun eir sequenzas d'instrucziun già preparedas chi pussibilteschon il discuers davart evenimaints mundiels actuels, davart la fügia e la migraziun.

[Ulteriuras infurmaziuns](#)



#### Materiel d'instrucziun muvimaint e sport

La fin da settember es cumparieu il nouv mez d'instrucziun 'Muvimaint e sport' per la 1.-9. classa. El cuntegna üna glista da check ed üna collecziun d'exercizis e da gös per accumplir las cumpetenzas tenor il PI21 GR, e que per mincha ciclus. Insembel cul mez d'instrucziun 'Sport in scoulina' (de ed it) stau uossa a disposiziun per tuot las persunas d'instrucziun da sport e per mincha classa elemaints d'imprender per accumplir las cumpetenzas tenor PI21 GR. In favrer ed avuost 2023 haun lö cuors d'introducziun virtuels. Las participantas ed ils participants survegnan infra 60 minutas las infurmaziuns las pü importantas da prüma maun.

[Documainta sport in scoula cun links](#)



[Datas cuors virtuels](#)



## Nouv stüdi da master sec I

In settember ho la regenza dal chantun Grischun acconsentieu ün ulteriur stüdi da master s-chelin secundar I per persunas d'instrucziun dal s-chelin primar (s-chelin supplementar) chi cumainza in settember 2023. La realisaziun succeda danövmaing in cooperaziun culla SAPSG, ils moduls haun lö principelmaing a Cuira. Persunas d'instrucziun interessedas dal s-chelin primar chattan ulteriuras infurmaziuns davart il stüdi planiso sülla pagina d'internet da la SAPGR. Ils 23 november 2022 ed ils 15 favrer 2023 haun lö duos occurrenzas d'infurmaziun. Ils detagls sun eir da chatter sülla pagina d'internet da la SAPGR.

[Ulteriuras infurmaziuns davart il stüdi](#)



## Concurrenza da pittüerer per classas da scoula primara

Dals 23 fin ils 29 schner 2023 ho lö il champiunedi europeic da biatlon a Lai. Scholaras e scholars paun dvanter üna part da quist'occurrenza. Al comitè d'organisaziun da Lai es gnieu adimaint qualchosa tuot speciel: Tuot las classas primaras dal Grischun haun la pussibilitè da's parteciper ad ün'occurrenza creativa. A vo per concepir ils numers da partenza da las atletas e dals atlets. A la fantasia nu sun miss üngüns cunfins. Üna giuria valütaro ils purtrets, zieva vain il meglder sböz prodüt scu muostra pel numer da partenza. Tuot las atletas ed ils atlets cumbattan düraunt ün di pel titul da champiun europeic cul design dal vandscheder. Il proget po gnir telechargio da la pagina d'internet da l'arena da biatlon. Il vandscheder u la vandschedra suos-cha – insembel cun sia classa da scoula – as parteciper a la concurrenza scu giast d'onur.

[Infurmaziuns, mustras, cundiziuns per parteciper](#)



## Scoula sül bain puril grischun

'Scoula sün il bain puril' ed 'Agricoltura fo scoula' spordscha a scholaras ed als scholars la pussibilitè d'imprender a cugnuescher l'agricultura. Temas scu la natüra, la biodiversited, la producziun da mangiativas ed il consüm sun hozindi inevitabels. Il PI21 pussibiltescha dad integrer inputs pratics ed experienzas fattas in e dadour la staunza da classa. Saja que la classa sül bain puril, ubain la pura u il pur in staunza da scoula. Daspö quist an lantschescha l'Uniun purila grischuna il proget da nouv. Il böt es d'entrer pü ferm süls bsögns taunt da las persunas d'instrucziun scu eir dals offerents e da crear üna spüerta attractiva ed instructiva per tuot las persunas partecipedas.

[Contact/infos: Sina Rellstab, s.rellstab@bbv.gr.ch](mailto:s.rellstab@bbv.gr.ch)



## Adöver da datas il sectur da furmaziun

Educa maina daspö il principi da lügl 2022 ün post da consultaziun per dumandas davart l'adöver e la protecziun da datas. La spüerta as drizza specielmaing a mainascoulas e persunas d'administraziun da furmaziun da la scoula populera e dal s-chelin secundar II. Dumandas tecnicas, giuridicas ed eticas vegnan respusas, per exaimpel per arcuner datas illa cloud, per der inavaunt datas da persunas u per tratter il

BYOD in scoula.

[Post da consultaziun dad EDUCA](#)



## Lottaria da chapütschas Pylonis

Ils buttatschs strivlos orandsch ed alv dals Pylonis as vezza già sün distanza – e que per buns motivs! Ils Pylonis averteschon ad affaunts da prieveles e muossan cu cha s'es sgür sün via. Cun ün po furtüna as po que guadagner da quistas chapütschas da Pylonis chodas e reflectantas per tuot la classa. La partecipaziun a la concurrenza es pussibla fin ils 30 november 2022.

[Formuler lottaria chapütschas da Pylonis](#)



## Fögl d'infurmaziun per der ajer

In vista a la stagiun d'inviern as sto fer quint cun ün augmoint d'infecziuns da COVID. L'uffizi da sandet ho publicho ün fögl d'infurmaziun davart il tema 'Cu der ajer correctamaing'.

[Fögl d'infurmaziun e cugnuschentschas scientificas](#)



## Insunter in connex cun muvimaint e sport

A l'insunter da marculdi zievamezdi, ils 18 schner 2023 a Cuira, vegnan preschantedas las noviteds i'l sectur da muvimaint e sport scu eir las spüertas da graubündenSport e da l'uffizi da sandet. Tar differents stands as po que ramasser las infurmaziuns giavüschedas e sclarir dumandas aviertas.

[Ulteriuras infurmaziuns](#)



Cordiels salüds

*Chantal Marti-Müller  
Mneda USS*

*Andrea Caviezel  
Mneder inspectorat da scoula*

## Part regiunela

### Accent tematic 2022/23

Nos accent tradiziunel da quist an da scoula es dedicho a la tematica 'Valüter'. In nos barat dals 29 marz 2023 a Zernez approfondinsa la funcziun da las valütaziuns ill'instrucziun, la tenuta da basa, puncts da referenza per la valütaziun, agüds per valüter e fuormas da valüter. Quist barat inua chi vegnan invidedas duos persunas d'instrucziun da mincha lö da scoula dess pussibilter ün imprender ün da l'oter. Las partecipantas / ils partecipants dal zievamezdi rapportan las cugnuschentschas dal barat aint in lur teams. Cun ün in-gaschamaint minimel lainsa ragiundscher ün profit maximel per mincha team da scoula.

## Termins

Data	Occurrenza	Adressos
27-01-2023	Assegnaziun provisorica	6. cl./1 R
27-01-2023	Attestat da semester	Tuots
15-02-2023	Cussagliaziun INSULA	MS
22-02-2023	Cussagliaziun INSULA	MS
29-03-2023	Accent tematic 2022/23: Valütaziun ill'instrucziun	Tuots
12-04-2023	Assegnaziun definitiva	6. cl./1 R
30/31-05-2023	Examen da recuors	6. cl./1 R
07-06-2023	Barat regiunel a Zernez in connex cull'EVA dal ram ERC	PI primara Tuots MS

*Cordiels salüds*

*Inspectorat districtuel Engiadina-Val Müstair-Samignun  
Bettina Salutt, Urs Kühne, Curdin Lansel*



